

ԳԱՐԵԳԻՆ Բ ՎԵՆՓԱՌ-ՆԱՅՐԱՊԵՏԸ ՆԱՆԴԻՊԵՅ ՆԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԿԱՅԱՅՈՒՑԻՉՆԵՐԻՆ

Մարտի 10-ին Եկեղեցիների Համաշխարհային Խորհրդի Հայաստանյան Կոոր Սեղանի հրավերով Մայր Աթոռ Ս. Էջմիածնում տեղի ունեցավ գրասենյակի գործընկեր հասարակական կազմակերպությունների ներկայացուցիչների համապետ ժողով:

Հայաստանյայց Առաքելական Եկեղեցու նախաձեռնությամբ սրբեղծված Կոոր Սեղանն արդեն 6 փարի համագործակցում է հայաստանյան թեմերի, ինչպես նաև հասարակական ավելի քան 20 կազմակերպությունների հետ: Կոոր Սեղանի դրամաշնորհներով բոլոր այս կազմակերպություններն իրականացնում են սոցիալական, կրթական և գյուղատնտեսական ծրագրեր՝ նպաստելով երկրի զարգացմանը:

Ժողովի ընթացքում ԵՄՆ ԿՍ գրասենյակի փնթեռն Կարեն Նազարյանը ներկայացրեց Կոոր Սեղանի կառավարած աշխատանքները և առաջիկայում իրականացվելիք ծրագրերը, ապա անդրադարձավ այն արդյունավետ փոխհամագործակցությանը, որ իրականացվում է Հայաստանյայց Եկեղեցու, Կոոր Սեղանի, Հայաստանի և արտերկրի այլ հասարակական կազմակերպությունների միջև: Վե-ների ներկայացուցիչները միմյանց ներկայացրեցին գործունեության իրենց ծրագրերը և քննեցին համագործակցության հետագա հեռանկարներն ու ակնկալիքները:

Ժողովականներին հանդիպեց և իր օրհնությունը տվեց Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը: Շնորհավորելով արձանագրված հաջողությունների համար՝ Վեհափառ Հայրապետը բարձր գնահատեց ԵՄՆ ԿՍ աշխատակիցների գործունեությունը, նվիրումն ու նախանձախնդիր ծառայությունը: Հայոց Հայրապետն անդրադարձավ նաև հասարակական կազմակերպությունների առաքելությանը՝ նշելով. «Բարեգործություն կատարելով՝ մեր ժողովրդի հոգում բարեգործության ոգի եք սերմանում»:

Հանդիպման ավարտին Նորին Սրբությունը ներկայացրեց Հայաստանյայց Առաքելական Ս. Եկեղեցու գործունեությունը կրթական, մշակութային և սոցիալական ոլորտներում, ապա պատասխանեց ներկաների հարցերին:

ՄԱՅՐ ԱԹՈՌ Ս. ԷԶՄԻԱՄՆԻ
ՏԵՂԵԿԱՏՎԱԿԱՆ ՆԱՍԱԿԱՐԳ